

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der heylig Brotkorb der heil. römischen Reliquien oder würdigen Heiligthumbs Procken

Calvin, Jean

Christlingen [i.e. Straßburg], 1601

Der dritt Keyser zu Rom

[urn:nbn:de:bsz:31-109542](https://nbn-resolving.org/urn:nbn:de:bsz:31-109542)

Wunderswunder

Der ander Keyser zu Rom.

Octavianus was Julius Schwester Sohn der ward
Keyser/regieret zwey vnd vierzig Jar vor Christi Ge-
burt/vnd vierzehen nach Christi Geburt. Item in dem
ersten Jar/tödtet er alle die/die an Julius Todt schuldig
waren. Alle Land vnd Reich machet er ihm vnterthan/
vnd ward fried allenthalben auff dem Erdreich/von
der Sonnen auffgang bis zum nidergang/vmb die gros-
se Weisheit vnn d Mächtigkeit Octaviani. Da be-
teten ihn viel Leut an/als ob er Gott were. Die weise
Fraw Sibylla zeiget dem Keyser Octaviano am Himm-
el bey der Sonnen ein Jungfraw sitzen in einem Gulden-
Kreys/vnd was gekrönet mit einer Guldenkron/vnd hec-
ein Kind an ihrem arm. Die Fraw saget dem Keyser wie
dass wer ein Jungfraw/vnd das Kind were Gott/vnd
ein Herz vber alle Herzen/in dem Himmel vnd auff Er-
den. Da der Keyser das vernam/da knyet er nider/vnd
betet das Kind an/opferet vnd machet da einen Altar
auff dem Berg. Vnd wolt sich darnach/nicht mehr las-
sen anbeten: Da stehet nun ein Kirch heist Ara caeli.
Das wunder geschah an der nacht da Christus ward ge-
born/Christus der Herz wolt in die Welt kommen/so in
gutem fried/ Da der Keyser zwey vnd siebenzig Jar alt
war/da starb er.

Der dritt Keyser zu Rom.

Tyberius Octavianus Stieffsohn ward Keyser/re-
gieret zwey vnd zwenzig Jar/ Bey seinen zeiten ward
Christus gemartert vnd gecreuziget zu Jerusalem/vnd
ohne sein wissen. Tyberius ward auffsetzig/vnd im moch-
ten die grossen Meister/die er fern vnd nahe besendet/mit
helffen.

Der Statt Rom.

helffen. Vnnd ihm ward gesagt von Jesu/der war inn
Jerusalem/ der kundte alle Kranckheiten wol wenden/
wan er sprach zu einem Krancken/werde gesund/ so ward
der Kranck von stundan gesund. Ihm kam klage vber
seinem Richter Pilatum/der an seiner statt Richter was
zu Jerusalem wie das er falsche Vrtheil fellete/ darumb
sendet der Keyser die allerbesten zwen Diener gehn Jerue
salem/ das sie im brechten den weisen Propheten Jesum/
vnd die sach erführen von Pilato. Vnnd gah ihnen ge
walt. Do sie nun in die Statt Jerusalem kamen/ vnd
vernamen die Märe/ wie das Jesus vnschuldiglich Ge
kreuziget wer worden. Vnd das erführen sie an denen/
die Er gesund gemacht hette/vnnd an der edlen Frawen
Veronica. Da fiengen sie Pilatum/vñ batten die edlen
Frawen Veronica/ das sie mit ihnen gehn Rom führe/
vnd näm den Anblick/ den ihr der Herz Jesus inn ihren
Schlauer her getruckt/mit ihr. Das thet sie/vnnd fuhr
mit ihnen in die Statt Rom. Da Veronica nun zu dem
Keyser kam/vnnd zeigt ihm den Anblick vnseres Herren
Jesu Christi/ da ward er gesundt von dem Aussatz/vnnd
dancket Gott.vnd glaubet an Jesum Christum/vñ seket
sich zu Bericht/vnd vrtheilet Pilatum. Da Pilatus ver
nam das er verurtheilet war/da stach er sich selber zu Tod/
da warff man ihn in die Tyber.

Der vierdte Keyser zu Rom.

Max Tyberius Sohn ward Keyser/vñ regieret drey
Jar/was ein vnkeuscher Mann/beschlieff sein eigene
Tochter/die er an seiner Schwester gemacht hette/
vnnd ließ sich anbetten. Er ward
erschlagen.

Der